



Uunga: Akitsinguaq Olsen, Siumut

## Puillasup ernga, Qeqertarsuaq, royaltymik akiliisarnermut iluseq pillugu Apeqquteqaat 151-imut akissut

Inatsisartut suleriaasianni § 37 naapertorlugu Qeqertarsuarmi puillasup ernga pillugu apeqquteqarsimavutit.

Nunatsinni sermimi imermilu isumalluutit atorneqarnissaannik soqutiginninnernut qujanaq. Qeqertarsuarmi puillasup erngata tunisassiarineratigut sulisoqarnikkut ilippanaateqartoq ilumoortumik erseqqissaateqarfigaat. Sikumut Imermullu allattoqarfimmut Inuussutissarsiornermut Suliffeqarnermullu Naalakkersuisoqarfik akisussaaffeqartoq akuersissutinik pissarsisimasunik ingerlattuakkamik qanimullu oqaloqatiginnittuarpoq. Qeqertarsuarmi suliniut qangali ingerlanniarneqalersimavoq, ingerlatsivillu kusanavissoq nunanit allanit aningaasaliissuteqartunit annertuumik pimoorussinerinik takussutissiivoq, Qeqertarsuarmi taakku aningaasarpassuarnik millionilikkaanik aningaasaliisimallutik. Maannakkut ilaatigut Asiami ungasissumi niuerfeqarfinnut Qeqertarsuarpiaimit imermik annertoorsuarmik tunisaqarsinnaanerit ilungersuullugu sulissutigineqarput.

Apeqqutinnik matumuuna akissuteqassaanga.

1) Sermimik imermillu atuinissamut akuersissutit ukiunut 20-25-kkaartunut atugassanngortinneqarajuttarput. Akuersissutini ataasiakkaani piumasaqaatini qaqugukkut aningaasarsiutigalugu atugaqarnerup aallartinnissaanut piumasaqaateqartoqarpoq. Suliniummit suliniummut assigiinngissuteqartoqarsinnaavoq. Piffissap isumaqatigiissutaasup iluani aningaasarsiutigisamik atugaqarnivimmik aallartisaasoqanngippat akuersissut utertinneqarsinnaavoq, imaluunniit sulissanit pilersaarut nutarsagaq tunuliaqutaralugu aningaasarsiutigisamik atuinissap aallartisarnissaanut nutaamik piffissaliisoqarsinnaalluni. Taamaalilluni aningaasarsiutigisamik atugaqartoqavitsinnagu akuersissut qaqugorsuarmut attatiinnarneqarsinnaanngilaq.

2) Maannakkut royaltymik akiliisarnermut iluseq Nunatsinnit imermik avammut tunisinermik annikillisaqaqataanera Inuussutissarsiornermut Suliffeqarnermullu Naalakkersuisoqarfiup misissugaraa. Taamaattumik tamanna patsisigerpiarlugu nunat allat akitsuuteqarnermik ilusaannik misissueqquissaarineq aallartisarneqarpoq, taamaalilluta assersuussinissamut tunngavissaqalissagatta.

Dato: 18. august 2011

Postboks 1601  
3900 Nuuk  
Oq/tel +299 34 50 00  
Fax +299 32 56 00  
Isiin@gh.gl  
www.nanoq.gl

Misissueqqissaarineq taanna septembarip qaammataata naanerani naammassineqassasoq naatsorsuutigineqarpoq.

3) Nunani tamalaani niuerfeqarfimmi imermik tunisassiortut unammillersinnaassusaannik isumannaariniarluni misissueqqissaarinermik tunuliaqutaqartumik Naalackersuisoqarfik royaltymut nutaamik ilusaasinnaasumik misissuissaaq. Taamaattorli inuussutissarsiorfimmik tamatumingga inerikkiartortitsinermut kinguarsaasinnaasumik royaltymut iluseq kisiartaanngilaq – ilaapputaaq assartuussisarnermi unammillerfissat assartuussisoqarfimmi RAL-ip kisermaassisuuneratigut. Tunuliaqutaasoq tassaavoq RAL-ip assartuineranut akigititai nammaqatigiinnissamik tunngavigisaq naapertorlugu naatsorsugaanerit, tassani angallaviit sinneqartoorutit amigartoorutinik tapiiffigineqarlutik, taamaalillunilu nunanut allanut tunisisunut inuussutissarsiutinut akinik iluserisaq naapertuutsinnagu. Ajornartorsiutaasoq tamanna aamma sukumiisumik misissorneqarpoq.

Qulaani pineqartutigit neriutigaara Naalackersuisut sinnerlugit apeqquutit akissuteqarfialugit.

Inussiarnersumik inuulluaqqusillunga,



Ove Karl Berthelsen

Inuussutissarsiornermut Suliffeqarnermullu Naalackersuisoq